

五代詩譜

朝記書莊印行

五代詩話卷五

華亭王如金善香氏校

南唐樂人

金陵有樂官山相傳城下之日軍營開宴南唐樂人數輩大慟奏不成曲  
怒而殺之聚埋此山詩曰城破轅門宴賞頻伶倫執樂淚沾巾駢頭就死  
緣家國愧殺南園結綬人

紫桃軒雜綴

澄心堂書目

澄心堂南唐烈祖節度金陵之燕居也世以為元宗書院誤矣趙內翰彥  
若家有澄心堂書目才三千餘卷有建業文房之印後有主者皆牙校也  
建業文房南唐烈祖節度金陵之別室也趙元攷家有建業文房書目才  
三千餘卷有金陵耑書院印

後山叢談

常莊

詩之作也窮通之分可觀常莊詩壯故至台輔何贊詩愁未幾而卒莊感  
懷云長年方悟少年非人道新詩勝舊詩十畝野塘畱客釣一軒春雨對  
僧碁花間醉任黃鸝語池上吟後白鷺窺大道不將爐冶去有心重立太

平基何贊書事云果決生涯向洛中西投知己話恩容雲遮劍閣三千里  
水隔瞿塘十二峯潤步文翁坊底月開尋杜甫宅邊松到頭須卜林泉隱  
自愧無能繼卧龍

鑑戒錄

### 盧延讓

盧延讓獻王建詩卷中有栗爆燒纒破猫踰鼎翻之句後建與潘峭在  
內殿平章邊事令宮人於爐中爆栗栗爆出燒損補褥子建多疑每燒金  
鼎子惟徐妃二姊妹侍茶湯而已是夜宮猫誤觸鼎翻達旦憶延讓詩有  
一聯云云先輩裁詩信無虛境遂有六行之拜

作潘美

自給事拜工部詩話絕句作盧延讓上宋太祖詩潘明

盧延讓業僻澁詩吳翰林雖以賦卷擢第然八面受敵深知延讓之能延  
讓始投贄卷中有說詩一篇銜句云因知文賦易為下得之乎子華笑曰  
上門惡罵來

振言

盧延讓先化三年登第先是延讓師薛許下為詩詞意入僻時人多笑之  
吳翰林融為侍御史出官峽中延讓時薄游荆渚貧無卷軸未遑贄謁會  
融表弟滕藉者偶得延讓百篇融覽大奇之曰此無他貴不尋常耳於是

稱之于府主成汭時故相張公職大租於是邦常以延讓為笑端及融言之成為改觀延讓深所感激然猶因循竟未相面後值融赴急徵入內廷孜孜於公卿間稱譽不已光化戊午歲來自湘南融一見如舊相識延讓嗚咽流涕於是攘臂成之矣

融言

### 盧延遜

盧延遜詩淺近人多笑之惟吳融獨重之且云後必垂名延遜詩亦有佳處宿東林云兩三條電欲為雨七八箇星猶在天旅舍言懷云名紙毛生五門下家僮骨立六街中蜀路云雲間聞鐙騾馱去雪裡殘骸虎曳來寄人云吟成一個字撚斷數莖髭又封上諂諛批類鳥窗間壁剝叩頭蟲余在翰林嘗召對上舉延遜詩云臂鵬健卒懸纒帽騎馬佳人搗面衫雖淺近而自成一體

談苑

盧延遜詩目為容易如每過私第邀看鶴長着公裳送上驢高僧解語牙無水老鶴能飛骨有風其殆庶幾又如栗爆貓跳云云而楊文公愛之不知何謂

史記

盧延遜五娘方登第嘗作詩云狐衛官道過犬刺客門開租庸張相誦之

又曰餓貓臨鼠穴饒犬舐魚砧成中令擊賞之又曰栗爆燒糴破貓跳觸  
鼎翻王中懿愛之盧嘗謂人曰平生投謁公卿不意得貓兒狗子力也詩  
話總龜

李珣

珣梓州人字蜀王行詞名瓊瑤集其妹事行為昭儀亦饒辭藻有鴛鴦枕  
上忽然般誤入花叢夫人集詞品

楊玢

楊玢請夫虞卿之曾孫也事僞蜀王建至顯官隨王行歸朝遂以工部尚  
書致仕通長安舊居為隣里侵占子弟訟諸府訴以狀白玢玢批紙尾云  
四鄰侵我我從伊畢竟須思未有時試上含元殿堪望秋風禾黍正離離  
子弟不敢復言談苑

楊義方

蜀王達時楊義方能文詞為春日詩云海邊紅日半離水天外暖風輕到  
花贈王樞密云雨聲鞭自禁中出一簇人從天上來異聞錄

蔣貽恭

巴蜀三紀以來藝能之士精於書畫者衆矣沙門曇莖學李陽水篆道士  
張昭嗣學柳公權書工部元員外昭嘏仿韓擇木八分皆杜光庭門人也  
僧曉嵐工張芝草書黃少監荃擅邊鸞卷竹處士滕昌祐擬梁廣花草野  
人張道隱學張璪松石司議李文才繼閻立本寫真皆極一時之盛著名  
于當代野人平生讀莊老書好畫龍之真形飄飄然雲陰雨氣有蜿蜒之  
勢撲龍証筆訣三卷彭州碎鄭昭請畫龍于州西門太山府君祠其夕三  
更風雨大作蔣貽恭留題詩曰世人空解画丹青惟子通玄得墨靈應有  
鬼神看下筆豈無風雨助成形成感噴浪通滄海勢欲擎雲上杳冥靜閉  
綠堂深夜後曉來幰幰似聞腥野人閒話  
蔣貽恭蠶詩云辛勤得繭不盈筐燈下繅絲恨更長著處不知來處苦但  
貪身上繡衣裳古今詩話

### 牛希濟

天成初明宗召亡蜀舊臣賦詩惟中丞牛希濟最佳詩云滿城文武欲朝天  
不覺隣師犯塞烟唐主再懸新月蜀王還却舊山川非干將相扶持  
拙自是君臣數盡年古往今來亦如此幾曾歡笑幾潛然明宗曰希濟不

忘君親忠孝也賜物百段

鑑戒錄

### 張蠟

昭宗皇帝頗為寒進開路崔合州放榜但是子弟無問文章厚薄比之金  
瓦其間屈人不少孤寒中惟程宴黃湍擅場之外其餘以呈試致之濫得  
亦不少矣然如王貞白張蠟詩趙觀文古風之作皆臻前輩之間閭者也  
撫言

張蠟共看今夜月獨作異鄉人善狀離別者寒深行客少家遠識人希善  
狀邊地者又宮詞云日透珠簾見冤旒六官爭逐百花秣回頭不覺君王  
去已聽笙歌在遠樓甚工

後邨

### 李黃遜

仕偽蜀孟昶為學士王師將致討之前歲除昶令學士作詩兩句寫桃符  
上黃遜題曰新年納餘慶嘉節歸長春明年蜀亡呂餘慶以參知政事知  
益州長春乃太祖誕聖節名也

說苑

### 范禹偁

偽置翰林學士范禹偁嘗冒張姓後復姓有啟謝群守云昔年上第誤標

張祿之名今日故園仍作范曄之齋范父正志在投秦入境遂稱于張祿  
名非伯越乘舟乃效於陶朱正同然不若父正之精巧

宋事實錄此

### 徐光溥

僧贊寧為蜀譜掃撫古人詩咏自梁元帝至唐楊師道皆詩中言及蜀者  
惟孟蜀學士徐光溥等二人絕句亦可謂勤篤然未盡也如退之和侯協  
律咏筍二十六韻不收何耶

塵史

### 李堯夫 朱山長

梓潼山人李堯夫吟咏尚譏刺謁蜀相李昊昊戲曰何名之背時耶堯夫  
屬色對曰甘作堯時夫不樂蜀中相因是為昊所擯知蜀主國柄墮秦吟  
苦熱詩曰炎暑鬱蒸無處避涼風消息幾時來

岷山異事

一云太祖采聽明達邊事纖悉必知有使者自蜀還上問劍外有何事對  
曰但聞成都滿城誦朱山長苦熱詩曰煩暑鬱蒸無處避涼風清冷幾時  
來上曰蜀民望王師也

古今詩話

### 卞震

卞震蜀人嘗吟即事云雨壁長秋蘭風枝落病蟬又老節搢瘦影寒木凭



吟身春日佩題云詩債到春無處避離愁常醉暫時無即事云茶香解睡  
磨鐺煮山色牽懷看展登雅言錄通

震成郡人登進士第唐  
政時爲渝州判有聲

### 王承檢

王蜀秦州節度使王築防番城至上邽山下得一瓦棺有片石刻篆字云  
大隋開皇二年渭州刺史張崇妻夫人王氏年二十五卒銘曰車道之北  
邽山之陽深深葬玉鬱鬱埋香刻斯貞石煥乎遺芳地變陵谷爲列城隍  
乾德丙年壞者合卺是歲爲乾德六年丙子歲也合卺即承檢小字

學圓  
蓋蘇

### 杜仁傑

至真觀三言詩云坤所載乾所懷象與形孰朕兆緯五行環二曜流百川  
九河導峙而山亦多歸神有嶽山有嵩粵廬壇稽道妙嶢孤嶂未易到日  
出沒見遺照偃東西絕海微倏光怪來熠燿大龍燭細螢燭不恒出赴感  
台笙嘹唳鶴窺窕羽人路屯其要青螺堆玉簪峭左參井右丹竈揭清虛  
不二竅昔王父往昭告始軒轅末徽廟接崑崙望咸親燎莽劫灰起天燒摧  
棟宇失朱纁群鹿逐雜蓬霍予何爲一來吊必甚廢乃太造聖之作賢者

紹矧宏元語秘奧探逾遠理益耀微是理萬有耗文雖怪實非剽庶今來  
永為詒蜀藝文志

張瀛

張瀛碧之子也事廣南劉氏官至曹郎嘗為歌贈琴基僧同列見之曰非  
其父不生其子詩曰我嘗聽師法一說波上蓮芥水中月不垢不淨是色  
空無法無空尔無滅我嘗聽師禪一觀浪溢鰲頭蟾魄滿河沙世界盡空  
空一寸寒灰冷燈畔我又聽師琴一撫長衾喚住秋山雨絃中雅弄若鏗  
金指下寒泉流太古我又聽師棋一着山頂望沉紅日脚陴誰稱是國手  
人羅浮道士賭却鶴輸却藥法懷斟下紅霞丹束手不敢爭頭角

雅言家述

廖圖

廖圖字贊禹虔州人文學博瞻為時輩所服湖南馬氏辟幕下奏天策府  
學士與劉昭禹李宏甫徐仲雅蔡昆常鼎耀虛中齊己俱以文藻知名更  
唱迭和今有集行于世贈上人云暫把枯藤倚壁根禪堂初報楚江濱直  
疑秦小難留鶴未信山低住得雲草接寺橋牛笛近日銜村樹鳥行分每  
來共憶曾游處萬壑泉聲絕頂聞贈沈彬云冥鴻迹在烟霞上燕雀休誇

大厦巢名利最高浮世重古今能有幾人拋逼真但使心無着混俗何妨  
手強抄深喜卜居連岳色水邊松下得論交齊已寓渚宮與圖相去千里  
而每有書臨終寄圖兄弟云僧外間吟樂最清年登八十喪南荆風騷作  
者為商推道去碧雲爭幾程

雅言系述

廖圖在永州有江干感懷詩云正悲世上事無限細看水中塵更多

北夢  
瑣言

### 劉昭禹

劉昭禹字休明婺州人少師林寬為詩刻苦不憚風雪有詩云句向夜中  
得心從天外通言不虛耳懷蕭山隱者云先生入太華杳杳絕良音秋夢  
有時見孤雲無處尋神清峰頂立衣冷瀑邊吟應笑干名者六街塵土深

群聞雅談

昭禹嘗與人論詩云五言如四十箇賢人著一個屠沽輩不得覓句若掘  
得玉匣有底有益但精求必得其實在湖南屢為宰卒于桂幕

同上

劉昭禹聞蟬云一雨一番暗山林冷落青尊侵殘日噪正在異鄉聽孤館  
宿漳浦扁舟離洞庭年年當此際那免鬢凋零

雅言雜載

### 徐仲雅

湖南徐仲雅與李宏皋劉昭禹齊名所業百餘卷并行於世畊夫謠一首  
云張緒逞風流王衍事輕薄出門逢耕夫顏色必不樂肌膚如玉潔力物  
絲不折半日無耕夫此輩總餓殺

雅言種穀

徐仲雅題合歡牡丹云平分造化雙苞去拆破春風兩面開

湖湘故事

### 徐休雅

徐休雅長沙人因馬希範夜宴園亭休雅作賦云雲路半開千里月洞天  
斜掩一窗春又官詞云內人曉起怯春寒輕揭珠簾看牡丹一把柳絲收  
不得微風搭在玉闌干曾獻家宴堂十首時稱冠絕

郡閣雅談

### 徐東野

東華觀在邵州城下江岸俗謂之水北觀有杏偃亞數枝凡八面上有一  
枝中新搭在半對間復生垂下游人以手撼之則千萬枝皆動伯國時天  
策府學士徐東野謫居於郡賞玩無已題詩并為序云搖一枝則萬枝動  
看一面則八面同白犬出其根青羊入其腹漢高帝琥珀枕許真君茯苓  
人親其孚也詩云半已化為石有靈通碧相生逢堯雨露老值漢風霜月  
滴蟾心水龍遺胸骨香僅餘毫末後曾見吳興公

零陵雜記

湖南馬氏作會春園開宴徐東野作詩有數聯為時所稱云珠璣影冷偏  
粘草蘭麝香濃却損花山色遠堆螺黛雨草梢春暈麝香風哀蘭寂寞含  
愁綠小杏妖嬈弄色紅旁按水脉湘心滿遍謁靈根楚底通深浦送回芳  
草日急灘牽斷綠楊風竊稍送入銀塘裏病跡潛來玉井中敗菊籬疏臨  
野渡落梅村冷隔楓剪開淨澗芸苗稼剛破連漪下釣筒

湖湘故事

文瑩至長沙曾訪故園馬氏天策府諸學士所著文章擅其名者惟徐東  
野李宏皋爾遂得東野詩浮脫輕艷皆韶華訝舞媚一時構俎耳其句不  
過牡丹宿醉蘭蕙春悲霞宮日城剪紅鋪翠而已歌貽汪居士一篇庶乎  
可操曰門在杏陰裡山僧笑度過藥靈丸不大暮妙乎無多薄霧籠寒徑  
殘風戀綠蘿金烏兼玉兔年太柰君何又得宏皋雜文十卷皆駢枝章句  
雖齷齪者亦能道信乎文之難也

玉壺清話

### 李宏皋

李宏皋唐末八座善吏之子善吏左遷武陵卒官宏皋為馬氏擁入湖湘  
文昭王授學士每賤奏至京詞臣愧嘆李松相國深器之後馬氏兄弟結  
隙與弟宏節俱遇害少攻詩題桃源云山翠參差水渺茫秦人舊在楚封

疆當時避世乾坤窄此地安家日月長  
草色災饑鹽杏老巖花猶帶潤  
旄香他年倘遂平生志來著霞衣侍玉皇

雅言雜載

### 廖融

融字元素隱於衡山與逸人任鵠王正己凌巖王元皆一時名士為詩相  
善湘守楊徽之期代歸闕枉道南岳宿融山齋留詩云清和春尚在歡醉  
日何長谷鳥隨柯轉庭花奪酒香初晴曦翠滴向晚對陰涼別有堪吟處  
相留宿草堂融贈天台逸人云移櫓托禪子攜家上赤城拂琴天籟奏欵  
枕海濤生雪白寒峰晚鳥歌春谷晴又聞求桂檝載月十洲行又題寺中  
古檜云何人見植初老對梵王居山鬼暗栖托樵夫難破除聲高秋漢迥  
影倒月潭虛盡日無僧遠清風長有餘夢僊誰云琪樹扶疏繫辟邪麻姑  
夜宴紫皇家銀河旌節搖波影珠閣笙簫吸月華翠鳳引遊三島路赤龍  
齊到五雲車星稀猶倚虹橋立擬就張騫搭漢槎退宮伎云神僊風格本  
難儔曾從前皇翠輦游秋紅躑躅繁春殿暖碧芙蓉笑水官寶車鈿剝陰  
塵細錦帳香銷画燭幽一旦色衰遠故里月明猶夢按梁州左司諫張觀  
過衡山留詩云未向漆園為傲吏定應明代作微君家傳奕世無金玉學

道經年有典墳帶雨小舟橫別澗隔花幽犬吠深雲到頭終為蒼生起林  
戀畔煙楚水濱融卒刺史何承矩墓之進士鄭鉉表其墓

郡間雅談

潘若冲罷桂林經南岳留鶴一隻與廖融贈詩一章云峭格數年同楚興  
一官才罷共船過稻梁少飼教長瘦羽翼無傷任遠飛側耳聽吟侵靜燭  
銜香作舞帶斜暉朝天萬里不將去留伴高人向釣磯又有詩寄融云秋  
來頻夢岳雲白別後應添鶴頂紅後至維揚聞融與鶴相繼而亡感賦絕  
句云南岳僧來共嘆吁風亭月榭已荒蕪先生去盡無十日留伴高吟鶴  
亦俎

雅言雜載

廖融處士衡山人有詩云雲穿搗藥屋雪壓釣魚船自解云屋破而雲  
穿其中無人也船為雪壓無用也後六十日果卒

詩話總龜

### 任鵠

任鵠字射已富有學問題君山云不礙揚帆路盤根壓洞底波濤四面白  
雲外一堆青魚躍晴波動龍通石洞腥終期托名画為我簇為屏送王正  
己通山云五峰青柱天直下挂飛泉琴鶴同通去烟霞到處眠鸞跳霜葉  
徑席晴夕陽遲獨酌應懷我排空對影連

雅言雜載

王正己

標對多生岡阜之上大則偃亞小則聳收戔為薪鍛為炭力倍常本王正己詩云未可輕榜標尤能濟雪霜

零陵雜記

廖齊

廖齊父爽直嘗為永州刺史齊逸零陵於民舍見父題壁感而成詩曰下馬連聲叩竹門主人何事感遺恩回頭泣向兒童道重見甘棠舊子孫

青

瑣錄集

黃損

黃損龍德二年登進士第喜作詩讀史云逐鹿走紅塵炎炎火德新家肥生孝子國霸有謀臣帝道雲龍合民心草木春須知烟閣上一半老儒真

雅言雜錄

損連山入作公子行云春草綠綿綿驕驍驟暖烟微風飄樂韻半日醉花邊打鵲拋金盞招人舉玉鞭田翁與蠶婦平地看神仙又出山吟云來書初出白雲扃乍躡秋風馬足輕遠近流連兮岳色別離嗚咽乳泉巖休將巢許爭喧雜自共伊牟論太平昨夜細看雲色裡遙賢星座甚分明

雅言雜錄



鷓鴣詩云而今世上多離別莫向相思對下啼

零陵雜記

淡塘在永州北三十里其水有九十九源長興初黃損為永州團練副使

求為別業有詩云傍水野禽通體白釘盤山果半邊紅

同上

虔州布衣賴仙芝言連州有黃損僕射者五代時人僕射蓋事南漢末共  
退歸一日忽遁去莫知其存亡子孫画像事之凡三十二年復通坐陳增  
上呼家人其子適不在孫出見之索筆書壁上云一別人間歲月多通來  
人事已銷磨惟有門前鑑池水春風不改舊時波投筆竟去不復留子通  
問其狀貌孫云甚似黟堂老人也

東坡

### 路珣美

珣美唐相巖之元孫有夜坐詩云幰捲竹軒清四隣無語聲漏後吟裡轉  
月自望來明草木露華濕衣裳寒氣生難逢知鑒者空復此時情競傳於  
湖南

雅言彙述

### 王元

字文元桂林人貧病苦唯妻黃氏共持稚操每過得句中夜必先起燃燭  
具紙筆元甚重之有聽琴詩云拂琴開素匣何事獨顰眉古調倍不樂正